

瀘溪縣志卷之十一

雜志

天道有常變人事有同異王人著無外之規其可荒
畧勿記哉故方外有記而封壘則昔賢之衣冠藏焉
古蹟則前哲之精爽憑焉至異聞有錄亦彷彿軒廣
采之義云耳聊備錄之以資遐覽志雜志

寺庵觀閣

夫金宮絳閣以嚴老釋名山勝域以處髡緇自唐迄
今在在有之韓子謂人其人廬其居實千古正論然

瀘溪縣志

卷之十一

雜志

以祝釐頌聖雖備志焉可也

廣仁寺

原址建縣今鼎
翔北城外司前

廣福寺

在西
門外

隆興寺

去東隅二里許僧寂仁號仰宗者明益藩族子
也秉性慈悲薙髮於本郡章山慈錫于撫州黃

山受法于石渠和尚后居瀘溪金斗窠康熙甲子年邑
李姓及寺僧月生者延主隆興寺維時寺僅數柱但其
地山明水秀茂林修竹前後之大覺妙高聳峙巍峩左
右之五鳳九龍拱照廻護遂有開堂振作之思歲甲戌
鼎建殿宇煥然改觀俾徒日盛殆中興之鼻祖乎正待
開闢毘尼戒法何期一葦西歸賴有白足普振宇藏三
者洗心制行異時大續禪燈於以上契正
宗下覺東土不難矣是為記盧宗臣撰

瑞相寺

在二都檀樾高阜
曾順四公

仁濟寺

在三
都

法水寺

在四都石文器有重建序法水寺舊屬南城六
十四都今瀘溪之四都距里許有溫泉數武有

牛耳石其里名法水寺因之所從來豈一日哉予猶記先祖言稱富刹凡尋溫泉之勝者憩息無虛日後差徭重困僧規不立堪輿家謂寺脉吉秀風氣攸萃宜陰宅引范越鳳鈴記爲証以後寺產屢爲豪有力者席捲殆盡而寺日以頽僧日以瘠歲戊午燬後里中噴有煩言有謂日久垂漚圖爲里巷者有謂輔車相依彼此合謀其分智伯以各厭所願者不佞初疑之后詢其由則不火于晝而火于夜火蓄于西而發于東不火于人之見而火于僧之出且既燬之後不容僧止竟蓋茅房而男婦居住人言豈無據而然哉徧地金錢祇園精舍施舍說法其于佛教無論已乃郡邑有志寺產有律國家制度禦如日星名勝之地輪蹄游息在昔瀘封未啟爲南城之荒微閭左豪有力之家至通國賦而不敢恣雖以滅寺驅僧也今縣治伊邇法紀著明里中士紳星列有茲機巧如蛾膽大如天者是遵何法哉不佞因內艱歸服闋將北而以侍父稽留目擊斯變大爲扼腕里中衆信借寺僧演承詣門請序募緣重建因捐貲爲倡而且以其成勝槩告諸樂助者施無論多寡總成緣果衆曰

瀘溪縣志

卷之十一

雜志

二

一笠如來梁武寔應多福今人所廢君所興德莫厚焉福莫隆焉予應之曰非也法一也在釋爲佛法在吾爲道法在國家爲紀法予因法水寺之燬而顧名思義觸吾振法之思彼廢刹以滅法吾復刹以明法護國法也非護佛法也堂堂額寺么麼輩公然廢之令浴溫泉覽牛耳者撫寺之名而究其寔太息于茲土蒞官行法者而坐視陵丘不亦羞地主而負山霧耶天下事蠹觸于法之內淫佚于法之外者其陰摧之明攘之與茲寺何異丈夫有志持法左執鞭弭右屬橐鞬以興衰起廢天絃地維寔擔負之豈區區一寺之復憑爲福德哉康熙五十五年知縣沈有政云瀘邑法水寺於禪林爲最古其地有溫泉故名自唐以來凡四燬宋元火於兵明初火於野燒至萬曆間乃火於一二奸民之一炬當此之時其不爲虎狼魍魅之所宅也蓋亦幸矣瀘鄉官石伯重疏其事甚詳太守白公邑令潘公成讞鑿鑿此數君子者是卽法水寺之大護法也夫天下奧區勝壤多矣如赤城峩嶺五臺九子名著寰宇若西江廬阜秀甲天下一關法壇永爲佛地雖有勢力者莫能與之爭

獨茲寺極靈泉之秀... 恃上無宰... 承... 歷百餘年矣... 光而大之道... 願此邦之人... 其於二三君子...

定安寺 四都村蓋宋紹興二年... 進士石致平請於朝... 勅賜安定之院牌額

慈明寺 在五都大源唐名雲慶... 改今額官溪黃十萬有砧基碑記

慧光寺 在五都舊名諸禪寺... 治平改今額石仕良建

安福寺 在六都 普潤寺 在七都楊谿唐貞觀二年高田李一宗建

集義寺 在七都 覺林寺 在七都

瀘溪縣志 卷之十一 雜志 三

濟衆寺 在八都舊名嶽 普仁寺 在九都

大仁寺 在九都 妙明寺 在十都

真如禪寺 在十都地名寶應山... 建額地藏宋治平初改今額

青蓮寺 在十都 福源寺 在十二都鄧黃丁李建各施山因立有碑

梵天寺 在十都 興梵寺 在十五都長慶山唐額再興宋初改興梵

澤心寺 在十都 卽饒山在十都宋建

三溪渡庵 在十六都里人糾首募化十方鼎建

妙高峯庵 在縣北 金竺庵 在東門外

紫雲峯庵 在西隅縣南二里林一宗建 萬靈峯庵 在西隅縣南十里林一宗建

九龍峯庵 在西隅鄧明珍 林大振重建 仙師峯庵 在北隅 椒澗

圓通庵 在縣北 林氏建 洗心庵 在西隅長境 盧姓建今燬

天堂庵 在西隅縣南 十盧姓建 七姑仙庵 在西關 外

長興茶庵 在縣南十里碧雲庵僧念水建 林大振等糾眾捐貲買田施茶

高山庵 在一都 興文庵 在一都

獅山寺 在一都 曾氏建 慈照庵 在一都 曾氏建

禪嶺庵 在一都 永興殿 在一都 曾輝先 煥章及人等建

接龍庵 在一都 單姓建 萬年渡庵 在一都 曾 氏門首

如來渡庵 在一都 曾輝先龍尊等 募建有糧壹石叁斗

瀘溪縣志 卷之十一 雜志 四

金船庵 在二都 福慧庵 在二都 庵下屬佛宇 墳庵 置有贖僧山田

白雲庵 在二都 五雲庵 在二都

長福庵 在三都 何龍潭庵 在三都 雲水庵 在三都 鄧 五懷建

泉石庵 在四都 三坵嶺乃瀘之通衢李元經捐貲為倡 與騰龍庵僧石松募建置田施茶立有碑記

慧日庵 在四都 尚善堂 普照庵 在四都 公館後石姓建

星映庵 在四都 太平庵 在四都 仁社庵 在五都 渡人庵 在五都

心鏡庵 在五都 龍蔭謝心宇施地建觀音殿貢士鄧汝 賢施田糧九號計租米四十三石五斗正色侯

楊批准勒石永禁庵僧不許盜賣并錫以扁 好善樂施立位庵西僧建三仙堂

龍庵 在四都 朱大仰庵 在五都 石龍庵 在五都 盤溪建 南堡

金鎖庵 在五都石文器公宗人行僧明堅苦力興創公
有古盜葬已而衆僧覺攻之急遂投縵死訟于官庵原
無檀樾主人人乘釁齣僧因訟稱貸力竭不能償衆
議散去明堅悲思作始不忍棄乃持其庵若產出質以
償負并求為檀那主予用是捐金若干畀之每歲量收
花息以明庵田有主僧不得自為政以擅葬其親人不
得視為可逐之鹿也昔祇陀之精舍梁武之同泰予固
不屑追蹤而明堅以精修特創置田畝輸租稅自食其
力庶幾徐孺子非力不食之風與名曰金鎖得非金剛
不壞巖住猿猴者乎後之傳燈續鉢者世有明堅則金
鎖庵傳之千萬世可矣

西竺庵 在六都

大乘庵 在六都 **東勝庵** 在七都

興福庵 在六都

琵琶庵 在七都高田鄉飲

萬善庵 在七都

洪潭橋庵 在八都 **圓明庵** 在十都

瀘溪縣志

卷之十一

雜志

五

金鎖庵 在十都

也是庵 在十都念水新建

碧雲庵 在十一都苦行僧清隨字念水者所建也師本
步觀大窠見山水迴環煙霞掩映心甚樂之爰闢草萊
構佛殿顏其額曰碧雲庵嗣是豎竿置產傳衣授鉢別
有洞天矣他如長興也是磔上普賢各庵銅岡葛坪永
壽諸橋或藏乾坤于藹窳或作慈船于水濱衲衣中無
此大願力也今徒孫杲煌旭煌亦皆白足
弘暢宗風 因樂為紀其槩云 林大振撰
獅子庵 在十一都魚鱗山之右 **福源庵** 在十二都

龍雲庵 在八都

福興庵 在十都銅岡芙蓉峯腰

止止庵 在十五都

鄧氏建鄧鳴有聯永福庵 在十四都譚姓建

妙覺庵 在十五都

銀屏庵 在十都

都莒州

道堂觀音閣 在一都

高武閣 在一都

飛龍閣 在六都

南華觀 在南都

法雲觀 在西源都

大清觀 在六都

東華道院 在四都裏山俗因呼為裏山觀宋治平二年建檀樾鵬山虛一宗

東山觀 在十都

西華觀 在十都

紫玄觀 在司前去思亭後今廢現存基地

迎仙觀 在十都

接仙洞 在十二都陳坊山南之左三仙顯跡其上土人因廬而祀之靈應可占凡筆

礫上夫人殿 在十二都陳坊

逍遙寺 在南都

總管殿 在八都里募

瀘溪縣志

卷之十一

雜志

六

方外

緇黃之流題曰方外諦察名義以其出乎矩而外之也然考之易曰聖人以神道設教採而錄之其亦存而不論之意乎

漢峯澤心寺高僧邑東隅人赤幟沙門冥悟心要洵所謂撥開千障月扶起五家宗耶

六震漢峯高弟住靜雲塢常撫掌嘯明月自號嘯月坡其殆坐斷十方壁立萬仞者乎

觀濤六震白足也飛錫諸方竿頭進步受衣鉢於覺浪

大師著有皇年語錄行世

如默字開一駐錫彌峯精心內典善山水尤長於詩與李太虛黎博庵諸先生相友善

周玳九都澤西人授正一秘法歲大旱禱於龍潭不應玳投以鐵符頃刻風雨立至枯苗頓蘇後遇旱祈禱輒應至今都人尸祝焉

平陽圓通庵開山僧萬曆年間出家頓悟有得障遊自如時日一月之先遂不火食命徒製備化供至朔日登大壘禱佛數千深火壘前乃擲大魚而逝士

瀘溪縣志

卷之十一

雜志

七

民祥遠觀之

千一禪師姓鄭名春西蜀人宋端宗時避錫類寺路暑劫行上有彩雲覆頂出入馴虎隨之里人傳為珍釣魚九曲溪見虎大懼師揮虎尾因為買魚放生謂告魚已割腸無復生理而愛養水中魚蝦池腸活遊潛詫之慈師事焉旋感知友蜀山道士周濟敬建庵地精舍居之師後跌坐而化至今數百年鄉人稱爲鄭公得道禪師肉身猶存寺中求夢者無不神應明高僧問官民祈雨彷彿師游神龍下降甘霖立沛

事聞益藩扁賜通天手眼今三十二代雪松本邑高
阜會氏子名行鑑辦苦修持精專戒行參學浙右及
龜峯鼓山諸大叢林頓悟西來直指受洞宗衣鉢而
歸新創方丈顏曰雲窩大闡祖教開堂說偈刊有語
錄十卷廣昌賴夢麟本邑魏文潢爲之序鄧鳴嘗集
唐句以贈云柱杖撥開芳草徑芒鞋踏破白雲窩鄧
敦復撰

金鎖庵唐廣德二年進士任樞密院以武功陞都統兵
馬蔡苑建昔浙儒主峯棄家卓錫於斯閉關三十年

瀘溪縣志

卷之十一

雜志

八

士大夫叩其所得每心折焉參禮者往來如織毳菴
居然一小雲棲也迨後兵燹殘燬今昔改觀茲來資
聖庵僧尊五關草萊葺傾圮日惟苦行夜則淨修勇
猛精進殆不二門中未可多得者是庵中興端在斯
人乎余故樂捐以助修造盧宗臣撰

青蓮寺者宿慧圓釋而儒者也身依屠屠志切琴書端
重寡言引人爲善其徒四曰五明曰五達曰五典曰
問方而五明是賢不落窠臼克續禪燈嗣孫道智亦
有宗風飄然物外且曾孫儀大妙年穎
慧想皆從三生石上而來者乎姑志之盧必上撰

止墓

止墓何志也賢者衣冠之藏在焉志弗及則剝落蓬蒿陰為野土者多矣故比干之封孔子之識潞公文彥博之題豈無謂哉

宋太學說書李觀墓

詳郡志

在郡治北郭鳳凰山麓門人陳次公志其墓銘曰余侍先生得堯舜禹湯文武周公孔子之事甚詳皆本詩書非諸子之緒言也於是浩嘆魏晉之際莽卓之間惠慎之時聖人之道已大壞有由然及究莊生之言今世之仁人蒿目而憂世之患不仁之人夾性命之情而饕富貴焉知曾史之不為桀跖之嚆矢曰儒者未嘗是之而予獨是之嗚呼天乎其意不在斯文乎何奪先生之速哉何奪先生之速哉郡守立思賢堂以祀之明成化三

濠溪縣志

卷之十一

雜志

九

年盜發先生塚知府謝士元具棺衾易葬大營石壙邑人吏部主事左贊請于朝得立祠令有司歲祭以少牢動支銀肆兩且禁樵牧學士陳鑑修撰羅倫皆有記羅倫記曰生而必死聖賢無異於衆人也死而不亡與天地並久日月並明其為聖賢乎泰伯先生其亦聖賢之徒乎先生姓李氏諱觀字泰伯學過五經尤長于禮以文辭自立其言大而正郡治北有鳳凰岡先生初書院其下學者千餘人南豐魯子固其高弟也范文正公仲淹余襄公靖交薦之召為太學說書卒年五十一葬鳳岡之麓寶祐二年郡守王填立興文堂以祠之開慶元年郡守曾楚更其堂曰思賢右立盱江書院仍舊名也書院廢而先生之墓墟矣成化二年長樂謝公士元來守郡夢先生對浮白飲覺而異之翌日有白于府曰盜發先生墓矣太守具棺衾將易葬焉啟壙視之二太白宛然夢中見者夢方解於是請議祠如故事會吏部主事左贊以請命下立祠壙扁曰景賢祀以少牢春暮行禮歲如初又募聞石工大營冢壙壙五尺廣視高損一深廣倍之中甃加堊外錮以石前廣若堂繚以周垣湖

西羅倫辦香謁之太守述其夢曰先生之沒距今四百一十三年矣而精神感動有如此者蘇子曰不佞形而立不恃力而行不待生而存不隨死而亡者其此之謂乎回視烟草中冢纍纍然太守嘆曰是庸非人乎哉倫曰何獨此也桓山之石驪山之銅庸非人乎哉其後者非不至也曾幾何時狐兔穴其旁樵兒牧豎躑躅其中草中纍纍者曾不若也方其生也柄一國之雄擅四海之富何求而不遂哉身死而遂不保焉何也先生以蔀屋寒夫初無一命之榮尺土之富而身後之榮終乎天地焉君子知其有所擇矣太守曰夫子之言雍門周不如也請告邦人庶有聞先生之風而興者

于志寧墓

在十一都外西城

李山甫墓

在五都龍溪槐坪

石松墓

在藍田象湖

石致平墓

在稠源傅家山

鄧英墓

在下坊柯樹源

黃吳老墓

在東源高城山

瀘溪縣志

卷之十一

雜志

十

林亮墓

在光澤縣十三都玉佩營心黃氏屋後

杜廷直墓

在八都

黃叔美墓

在官溪周公橋卒於稠源黃坊

陳子野墓

在十二都

傅汝掄墓

在普濟山

鄧觀國墓

在莒州屋後

李彥回墓

在五都規頭鳳尾窩

李淵墓

在五都陳畬鄧宅後

周安禮墓

在三都松林頭

龔夢仁墓

在八都安居

李子高墓

在葉源李觀撰墓表表曰南城縣東北遠百餘里六十三都赤境橋台祖家焉天聖中嘗

省松柏至於子高之室子高業已不仕有男冠卿生十三年習為詩歌教義諄諄無黍世儒後冠卿第進士試校秘書守臨川主簿代歸未幾而孤來乞文曰惟先父好學篤善應舉不得官治衣食業不能貪以取餘醉吟山水間忘其老喜衽人之急里有爭往往和辭之使不致獄訟衆亦愛悅用濟不肖子於宦學未始有報而舍

去忽焉願得表其墳託以不腐爰取其譜而係之辭曰
生無夫宜死何足悲有子而奇其後焉可知耶

鄧維屏墓 在十六都嚴坑翰林院學士謝德博撰墓志
銘銘曰天生君子惟德之行江離辟芷處晦

而光乘乎箕尾雲漢為
章克昌厥後山高水長

石德盛墓 在二都石家塘吏部主事章光岳撰墓誌銘
銘曰雲峯岑兮巍峩虬松鬱兮婆娑勁峭兮

公之骨蔓衍兮魁之羅水口奇
石烏紗弗磨雲仍奕葉聯多

石文器墓 在四都杜藍督學副使黎元寬撰墓誌銘銘
曰大日遂晡升龍號烏賢人已乎禦寇擊蒙

匪自其躬嘉言俊雄何失幾先令袖老拳傷國不遜公
未死心天不恕遺有所用之帝左右是宜蔽兵大狂公

走叫閭朱鴈來翔若隱其身以畱遺民模楷後人維石
巖巖姓字兩函神鬼臨臨彌詩乃成乃誓乃盟所南先

生僅十年間精衛在山我甲難撰野哭歎歎止首獨巍
中藏占衣正氣網細蒼梧有雲壹與排紛賢子曰珂謂

瀘溪縣志

卷之十一

雜志

十一

我無謬銘
詞不磨

盧魁墓 本姓黃在十三都岐山門前墩上翰林院李鳳
岐撰墓誌銘曰岐山之高兮勢巍峩瀘水之

深兮揚清波先生芳規遺
範之卓卓兮永世不磨
李惟覺墓 在西源仁
濟寺屋後

李準墓 在五都
槐坪
李文墓 在三都赤境橋下
手五雷出洞形

鄧一芝墓 在南城北門外斗華
山傅家庵後龜形

鄧大儀墓 在本邑八都裏源虎形室林氏墓南城西關
外田北十七都麻源犬形左姓吳氏坐右

盧明遠墓 在南城北關外神嶺背周家墩飛鳳
過崗形與其室鄧氏合壙撰有誌銘

節婦林氏墓 在南城十三都岳口鄱陽橋楊公山裏海
螺形偕其夫邑庠盧琬全坐合壙孝廉魏

文潢撰
有誌銘

許高泰墓

在十四都許坊屋後

盧伯龍墓

在八都里募大坑口內

處士石景明墓

在鍾富里口外名鳳山又曰鷺峯頂李

明府勸農記及其畧言流光徵德厚也也配龔氏塋營前山全而墓道廣水秀而湫靈誠佳永宅

也生子三長倫十五次則珩冢孫國直俱附許鳳山仲國利塋

于

布墓

全室張氏在上村里常家山

吳公源

瀘溪縣志

卷之十一

雜志

又十一

古蹟

玉光劔氣寶曜干霄類難磨滅物且有然况先哲精神之所憑乎緣物致景亦高山仰止之思也

庵山學舍

在四都杜藍貴龍源之兆宋宣贊舍人石永壽建

山齋進修書院

在四都杜藍宋進士石松建孫致平植老人竹於此

李山甫故宅

在三都長山李家坪即其舊址王荆公過訪題詩石壁遺址尚存

李泰伯故里

在三都赤鏡橋李家園泰伯公所生之地名賢良里基址尚存

李梅臞龍馬山房

南宋時六都之鳳林於石岩突得一馬龍鱗馬足奔騰於烟霧中不可控

羈後莫知其處里人以爲龍馬云嗣李梅臞先生結廬讀書其地題曰龍馬山房即此

瀘溪縣志

卷之十一

十二

輕空嶺

在三都距溫泉半里許層石磊砢羊腸一道人履其上如鳴鉦然相傳以爲有仙人墜金鼓其

云下

魚鱗山

在十二都山嶺有潭相傳孽龍子穴之所雨輒

擇此山穴焉

石倉

在二都像若廩然中縱穴數尺如倉門有石版一懸空欲釋相傳爲仙人所營

岐山師古亭

在七都與六都漢嶺師古潭遙相對峙蓋先時以逸邠志本並解綬歸隱合志同居

企慕古學高節清風其題曰漢嶺者景東漢節義以寓意也題曰岐山者景姬文作人之化而鳳鳴於岐山也今

遺跡尚存

蔓蘿峯

在六都棟梁峯下有八仙石其中方石片儼若方對相傳有仙翁坐隱其處

蕨地窠 鄧公千一禪師得道處今其法嗣雪松大振宗風住持中興

李山甫龍溪新居 王安石過訪稱為天下佳山水詳廣輿記

蓮花石 在天堂庵左側有石峻峭宛若蓮花明萬曆間盧允中履其處始信天成

瀟溪縣志

卷之十一

雜志

異聞

理有反乎故常事有駭於耳目似宐存而不論然以備實錄厲修弭非故以駭俗也例得載之志異聞三溪之里夜分每有振鐸聲隱隱繞溪畔若巡護然或有所爲耶亦異事也

有老嫗鳳氏者萬某再娶婦也鳳無子惟諸女繁育而善視其前夫之子一日疾斃殮之僅未闔蓋已召鼻者飯矣忽群麗共噉於廬左之扉哦呻吟聲出柩中夫若子驚喜扶出怪詢之鳳徐訴曰吾以誤誣隣人

瀘溪縣志

卷之十一

雜志

十四

攘雞故鄰某死訢於冥司拘入冥冥主問司案吏曰鳳壽盡未吏曰鳳以善撫前婦子及勸人無溺女兩者應增壽一紀得釋生還適噉噉所吠者前姊德我導我歸也觀此則輕溺女息而薄其非已出之子者可警矣

有姓黃名某者生時負鄧仲銀三兩後數載鄧仲之男夢某叩門求救曰某曾負爾父銀三兩現爲若猪償前欠今所值尚未盈數聞將屠幸少假時月俾完若欠庶免再墮畜生道仲男稚而健忘明日竟屠之仲

男乃悵然感昨夢竟不忍啗父詰之以夢告仲亦感而焚其券

邑南十里方家山有龍井焉先朝禱雨必應勅賜善濟潭歷傳巫者方姓爲坊民求雨不應怒甚其潭第見宮殿巍巍有青衣鬟出曰此豈汝所宜至耶可速遁少畱不得生因贈秫升許巫不屑受而出俯視衣衫猶帶數粒注視之則精繆也巫訝且悔覲復得其金再沉於龍井見有具王者儀儼臨南面矣衛士邏得巫以獻南面者怒揮左右迅戮之解其體浮出井面

廬溪縣志

卷之十一

雜志

十五

少頃體沒巫降夢家人曰我今業勅爲潭守俾司出納女毋我悼至今祈雨者必以牲醴先致祭於巫而後文疏得達

貢生林三接廷試北上夜泊舟于金陂盜劫鄰船驚避溺沒友人孝廉許子將攢瘞其棺水滸逮乙未清明之夕其師林某夢三接來謁初驚避之接前慰曰吾與汝師弟何畏耶師驚定曰欲咨冥間事接曰幽明道隔不對所以師隨以素箋索題接援筆題云一坏黃土掩江濱芳草斜陽孰問人欲寫愁心相寄贈霜

毫未染已傷神書罷飄然去其師覺而述之

康熙四年防兵購牛欲屠之維於杙少頃牛勒絕馳於關帝之閣時防官及耆民林永吉在焉牛踉蹌跪其前俛首涕垂若有所訴者永吉曰女畏殺耶當請之防主救女卽點首如欲拜謝狀永吉曰女且退無何而覓者至矣拽之不行復再跪如前防官馬愴然感之爰醵貲給其人牛得生旋付永吉奴養牛自是茹草不啖植物早暮惟永吉號卽得後數月斃得就瘞其畜類之靈而知因識果者乎爾時有感其事而不

啖牛肉者近百人今屠家之忍於嗜殺者閱此能無惻然

續志紀成

不佞承乏鶴城甫閱歲餘凡山川土田氓情物產未克周詳幸藉二三賓朋以公事至室詢知輿人疾苦亟爲拯弊補偏一杯瀘水數弄署琴獲與諸黔黎共安無事之福適承 憲奉

旨修統志不遺下邑予弗克襄事是思粵稽逞牒則前令陳公王廷實經始之訖明萬曆癸未而止繼令梁公應掄復嗣徽修飾衰逮甲寅而止瀘邑雖小存斯志也殆颯颯乎大國風矣柰遭兵燹舊籍淪亡幸石先生諱珂

瀘溪縣志

卷之十一

紀成

十七

家珍藏舊本文獻可徵始得擊追蠹而攷聲音披汲書而讐同異俾瀘邑一乘不隨烟草銷沉者端賴乎此也於是偕同寅孟君諱吉熊學博嚴君諱廷訓遵

上諭拜集通邑紳士相與珥彤刪補摛藻增華秉筆編輯則鄧先生諱化日傅先生諱金門林生諱軒贊成則龔先生諱麟標黃先生諱鍾鳴石先生諱珂林先生諱駿發曾先生諱先春攷覈叅訂始終經理則鄧生可大鄒生之震李生春華鄭生繼言暨傅生琦龔生國璽林生朝清盧生心簡李生之郁于生佑魏生邦屏林生簡臣

石生映奎會生先律邱生瑜李生元勳黃生士彥濟濟
協襄庸付黎梓昉於客歲臘月越今夏四月告竣是月
也孝廉林先生諱芳鄧先生諱可權公車言旋聿觀厥
成予亦藉手集狐以報

憲徵且使人知斗大之區彼都人士亦鳳自舞鸞自歌
耳寧以枳棘卑棲遂噤弗語也爰書以紀一皆共事之
雅

康熙癸丑孟夏蒲陽余履度裴似甫書於瀘之公署

續志紀成

瀘溪縣志

卷之十一

紀成

十一

壬子之秋邑侯余父師奉

上命纂修縣志屬予小子會集先型旁搜博採編訂全書
越癸丑夏杪告成山川風土典章文物分類備載展卷
犁然其助政教裨風化不爲不多矣無何甲寅閩變兵
燹板燬嗚呼竭暮月之經營集六十年之故蹟書成未
幾一載而竟付諸煨燼不誠可長太息也哉舊癸亥夏
月

上命續修

邑侯衛父師甫蒞茲土卽遵

憲諭爰請

學博時魯二師暨闔邑紳衿耆碩廣爲諮詢不棄菲葑

仍屬小子輩忝互攷訂共勦盛典其中封域規建食貨禮教諸例率由舊章無庸更飾所增補者不過十年間秩官選舉人物藝文而已因謹擇其有關名教諸大端一一釐而登之卽揆藻摛華大小畢備要亦本善善長之遺意成一邑之鉅觀凡以仰副

朝廷德化存往詔來以爲激勸之微機則斯志也聿觀厥成洵足以備國史之採擇宰治之鑑觀與夫啟後之信徵而景仰將見典章具備風俗淳熙文物蔚興美不勝紀煌煌邑乘豈曰小補之哉

瀘溪縣志

卷之十一

紀威

十九

康熙二十三年甲子夏月邑後學鄒之震謹識

縣志跋

翼麟標撰 邑人

今夫六經皆治世之書而國史紀歷代之治故自京畿以達於九州皆有志以勦國史所不及詳蓋志滙於史史準諸經易定乾坤之位禮明君父之尊樂宣天地之和史之原本也書道政事虞夏商周之史也詩貢風謠晉魯列國之史也吾夫子修魯史以作春秋筆者筆之削者削之爲萬世作史者之鼻祖厥後孫盛作晉春秋震以桓溫之威而不變吳兢撰唐史勸以燕公之私而

不改此二公者亦史家巨擘也若邑志特史之一體耳
而其不敢徇人無作好惡則惟稟春秋筆削以爲國史
佐卽如我瀘之建斯邑以有此志也關疆自明萬曆八
年攷厥所由乃南城東北分土宋元訖明初設巡司固
關守嗣以地寫令格輟長不相及當事者因白其狀於
兩臺迨 奏可 勅南城邑長范公卜度其地改司爲
邑由是吊古先賢故里如宋李公泰伯先生前紹孔孟
後啟關閩空谷有此茲土可知維時觀星授日深池峻
城文翁興學官韓愈置鄉校潘岳植桃李百里間居然

花縣矣歷今九十年來人文蔚興科名漸熾試問腹心
於中林求杖屨於道左豈曰泰伯之後山水遂無靈耶
雖然孔子曰吾志在春秋行在孝經其於忠孝廉節之
大閑猶惓惓焉春秋一書王必稱天歲首無事亦書春
王正月必冠以王之一字明尊王也示作忠也事父如
事天事母如事地天明地察煌煌孝經以垂訓也若夫
子罕儻玉不貪爲寶廉可勸也春秋所予伯姬誓志宵
不下堂節可風也春秋褒之是以六經皆治世之書而
從來秉史筆者必以春秋爲宗然後大之可羽翼乎易

象典謨禮樂風雅諸經而簡細不遺瑣繁可薦猶足益於山經水注之上所以紀風土而列賦役稽人物而考政事具載其中惟邑之有志亦然茲奉

綸音清問俯及遐陬暨上臺令甲徧諭屬縣我邑侯

文獻奧區理學醇儒來涖茲土啣

命飲水夙夜弗遑爰索舊志諮諏故家成書徧採公論同孟侯修飾潤色有加刪集爲帙是帙也以彈丸黑子之偏書聞忠孝廉節之大義庶幾堪佐

國史而有裨

瀘溪縣志

卷之十一

紀成

二十一

聖經之萬一也乎是爲跋以俟後之君子云

縣志跋

黃鍾鳴邑人

志猶史也史卽經也孔子曰吾志在春秋行在孝經夫史之可爲經者以其理足千古也志之可爲史者以其義光竹帛也若夫纂修良法無作好無作惡董狐而下遷固諸史確稱不易厥有由已非然而五難四患後之人往往爲之攔筆史可易言修哉維修志亦然如我瀘原隸南城自范令公分請爲二至己卯而縣治開瀘之有志古本祖自疇南凡其間山川圖記人物紀事先訂

定於萬曆之癸未而甲寅其後起焉者也近奉

新旨鼎修實志乃撮其大要惟忠孝廉節之爲兢兢自漢
舉孝廉以來如隸川如江夏皆廉孝有足述者然此家
譜也非國志也就瀘地言瀘人宋李盱江先生名觀者
其統宗孔孟伊周其學開闢閩濂洛讀其書論其世如
易象河洛篇周禮平土論皆道貫天人治通今古惜其
志未大行止博一太學說書究以教授弟子若曾子固
鄧澗甫其高弟也夸考其行幼而失怙長而竭力強仕
逾年惟依依於便養之老母則其文可久其行更足法

瀘溪縣志

卷之十一

紀成

二十二

孝爲百行之原此所爲理足千古者也廉統六計之首
此所爲義光竹帛者也彼夫賄賂公行苞苴盈橐雖富
弗齒身掛吏議名汚青史雖貴弗錄文章尚一時而德
業無建監雖文弗傳非苛求也春秋書法責備賢者然
寸長不沒一字必嚴而茲則有志媿而無志惡又倣春
秋善善長之遺意而以華袞出之者也千里一士猶曰
比肩景行接踵豈賢無人芝蘭不待人而芳真品不因
遇而貴莫爲之著美而弗彰莫爲之垂大而弗久吾鄉
節義性成廉賢輩出永志勿讓實有待於同事之表章

更有望於吾邑之繼起是

縣志跋

傅金門

聞之志者記也非史也史兼懲勸志示勸焉耳蓋非史也而特功於史者也曷功也今夫職方氏之所掌非薄海內外莫可紀極者乎其間山川形勝賦役土宜與夫謠俗正滯人物淑慝非有小行人周爰邦國而一旦不脛而走於圻臚於廣廈細旃之上者此誰爲爲之哉一日者

聖天子霽顏而披俾登其尤於史而損益化裁庸是以起豈

瀘溪縣志

卷之十一

紀成

二十三

非古者鄉大夫三年獻書內史以備

當宁採擇之遺乎允矣大一統規模爲最不朽盛事矣今我

瀘雖岩邑哉而庶可仰荅休明者其析南城而疆之也百祀耳其俗樸直初不炫車服不作奇技淫巧狡僮黠黠以干國憲煽里鄩若狂也嘗攷農服先疇而士於高曾也規矩之瀘之先不尚有典型爲李泰伯先生其人者耶流風伊邇視今猶昔也無怪乎樸者煮竹藝晦以畢命於耕鑿卽間語以出疆乾沒射成敗惟掉首謝矣而秀者布衣蔬食溫文餘古與秀水佳山相爲激射映

發迄今

湛恩翔而鴻鴈集且惠我 仁侯挈餘黎而衽席之其振鐸而春風風於庠夙駕而膏雨雨於野以作我多士者不當有乘時利見紹先型以翊贊

皇猷而大書於史氏之簡者耶則茲志之克功於史也洵章章云爰泚筆而爲之跋

縣志跋

鄒之震

邑乘志載者也山川風土其經也典章文物其緯也雖有善作不得而易之矣瀘屬巖邑建設最後亦自有其

瀘溪縣志

卷之十一

紀成

二十四

山川風土則所謂生斯長斯聚國族於斯者經緯犁然信而有徵矣顧自在昔甲寅以迄今茲闕弗備云

聖朝大一統之盛作新郡邑俾志所志以備採詢幸 仁侯余老夫子以海天名雋胸湛汪洋偕巖老師敬修不怠進人士而詔告之其所指授具足千古余小子亦竊得執鞭以從事於末博採旁稽不遺餘力而志以成嗚呼山川風土猶存典章文物其在盪而登之煌煌鉅觀也哉抑小子猶有說焉天地有定理無定化故因序有常而盈虛消息不能無常世俗 一者科名予邑風聲稍

嗇管窺者隘之此未益虛消息之蘊也春秋聖門諸賢於南止一言偃有宋而理學盛於南方可知道術文爲之數其掩得可量也例觀瀘邑何獨不然今吾師臺提公英同志方將摩厲以需以大副遠馭重期之至志上分國家之光人傑地靈且方興而未有底也又在瀘巴之不足引人入勝地哉志之舊典新猷先序已詳無所置喙第就邑言邑以明夫人之不得隘視吾瀘而吾瀘人亦不可隘自期爾

續修縣志跋

魏奇

瀘溪縣志

卷之十一

紀成

二十五

今夫志異於史以誌美而不誌惡也人舉是說矣續之者胡不然卽奕世續之胡不然顧所以誌美而不誌惡及知誌美矣而反不盡乎誌美之事則何也吾請兩言其故然後知續是編者不敢苟也

國家有大奸慝能扞王法於生前不能逃筆誅於死後固曰誅奸雄於旣死哉實以備當宁之考鏡俾前有賊而罔弗知斯後有讒而罔弗照也志則不然小民卽於戾邑得治之郡得治之省又得治之生旣伏辜死曷揭之名曰人之丁與孫孰是揭其祖父之惡以來者惟是

匹夫有善上之人不能槩悉俾之鄉爲舉里爲推幽篔
孤芳得以衆著而耀於光明上以成風俗之書下以慰
淑正之魄明以佐旌善之酒醴而陰卽爲徇路之鐸鈴
也夫如是則誌美矣當盡誌美之道而或反焉是可怪
也蓋彼以不公不恕之心轉而爲濫與苛之兩事苛者
必濫濫者必苛夔恒相因而至且夫誌人孝必某事孝
斯信而有徵誌人友必曰某事友始確而可據不得益
以虛渾之詞輒曰孝友已也推之文章道德節烈寧不
皆然乃有至於濫者必其人子孫顯榮則曲筆而從之

苛者必其人子孫微弱非索瘢焉棄之則疑而不之信
夫濫則使直爲善者無色羞與爲伍非所以勸也不可
言也苛則使直爲善者湮沒不彰以已爲量而斥人之
不能是以一人之淫而概疑天下無正士愈不可言也
由茲以談我 衛侯之續是編也夫豈易易哉事簡於
昔心繁於今凡山川土田食貨物產諸類十年豈必變
更而人物一書本以虛公之心協以衆多之論合邑佐
學政紳士者儒廣採博詢有十年中所新增者有十年
前誌所未備者一姓數人不嫌私姓罕一人不嫌畧要

歸於核耳核則直者錄而不苛錄者真而不濫而詭美之道由是觀成故曰續是編者不敢苟也奇潦倒無似不謂我侯謬採衆言俾得躬與是役目擊其事而有感於心爰泚筆而爲之跋

續修縣志跋

林簡臣

聖天子重熙累洽一統無外會省郡縣纂修疆域志書已在今

上之十二年矣山川土田風俗人物亦甚詳甚洎癸亥甫十年爾復

瀘溪縣志

卷之十一

紀成

二十七

命續之得毋以甲寅之亂載罹兵火欲俾邇來忠孝節烈靡有缺遺以成一代鉅典昭示來許耶我

衛侯以關西名賢叱馭臨瀘適專厥職亦以爲天道十年一變其中川岳苞符人文秀傑日新彌上爰及幽人正士隱德節媛不忍與運會俱徂思哀集成帙總舊編而授之梓意甚盛也緣擇邑之文學勩事簡亦得與聞末議焉因念續修事與前同而其意微異舊書自開縣以來閱數十餘年而始議修纂世遠年深類多荒落且中更鼎革故廣蒐博採而不厭詳今則從畧蓋人與事無

足重輕者不畧則已瑣誌寓激揚言多寬裕今則惟謹
若瑜與瑕不相掩者不謹則已濫誌以彰美適以形穢
者有所徇也今則務覈苟名與實不相蒙者不覈則已
誣繇是思之操觚者可忽乎哉兢兢焉矢公矢慎不欲
漫置一喙滋貽口實上存古道下協人心以無忝我
賢侯續修之意若曰瑣耶濫耶誣耶夫曷敢

續修縣志跋

盧宗梧

志成爲一代風俗之書使九州山川人物瞭若指掌其
說固然予猶疑之世有盛晚風有淳澆而人品之優拙

瀘溪縣志

卷之十一

紀成

二十八

妍媸亦雜然不一古太史採風問俗美惡具陳列爲篇
章以示勸懲今之爲誌除山川土田賦役食貨外人物
止記美而不記惡豈與人爲善而不戒人爲不善歟抑
善善長而惡惡短歟不盡然也梧更有以知其義矣天
生蒸民含精孕靈秉彝好德夫豈無心故志書以志取
名明乎以志爲誌而非僅以誌爲志也易曰君子以辨
上下定民志禮曰章志正教又曰爲上者可望而知爲
下者可述而志則志之爲義大矣哉

國朝已修志於

續修縣志跋

傅春枝

志書例有成紀越數十年而一修繼美也俾後之積行君子貞淑閨媛入彤管而登天子之廷于以扶進斯世廣宣教化甚盛典也是故志不可踰時而不修然或修矣不如其勿修則載筆者與有責焉蓋非其人而妄錄失之誣誣則不智是其人而不錄失之忍忍則不仁不仁不智誰實甘之此修志之微權而亦潛驅默化誘人爲善之路乎我

國家甲寅以來彼穢德彰聞者既亟加以顯戮則潛德幽

瀘溪縣志

卷之十一

紀成

三十

光者宜榮壽以芳名爰會天下續修志書瀘雖僻壤例得有事夫瀘由開縣迄今不下百餘年而縣志一帙釐然足觀可見忠孝廉節秉自性生不擇地亦不擇時也由甲而癸又十春秋其間德行若而人文章若而人材藝若而人至于敬姜劬勞栢舟永矢者又往往節著閭里訪之輿論按其實跡較然不爽亦足以繼前美而光竹帛矣邑侯衛公是以仰體

上意俯合輿情借學政邑佐暨合邑紳衿裒集品隲而校亦得與末議焉凡山川土田食貨禮教悉仍其舊而于

八物一志務以顯微闡幽爲功無溢美無遺善其亦本
古鄉舉里選之意而行以三代之直者歟至若比事屬
辭書字書名議者謂宜如麟經之旨董狐之筆則是史
也而非志也體既不同事有攸歸予小子又曷敢知况
乎由縣而郡而省幾更去取合十五國風而始上之
天子擇其尤者勒成全書垂爲金鑑則茲志不過其蒐乘之
具也而不誣不忍修志者亦足以告無罪云爾是爲跋

